

VERJAARSDAE : 7 TOT 13 MEI 2006

05/07	WELMA CRAFFORD	HANS STRIJDOMLN 182	664 1568	Wyk 09Aa
05/07	CORNÉ VILJOEN	KRUGERLN 14	664 3548	Wyk 24Aa
05/07	FRANCOIS ROOS	KRUGERLN 102	664 0218	Wyk 16Ab
05/08	WALDO LAUNSPACH	VAN RIEBEECKLN 309	664 0182	Wyk 01Ab
05/09	JACOBUS HUMPHRIES	MOLTENOWEG 4	664 4549	Wyk 08Ab
05/09	KOBUS BADENHORST	VAN RIEBEECKLN 281	664 5338	Wyk 03Ac
05/10	ELANI BOTHA	VAN RIEBEECKLN 194	082 339 6136	Wyk 10Aa
05/10	ELSABÉ BIRD	HANS STRIJDOMLN 115	664 3568	Wyk 13Aa
05/11	LOUISA ROOS	HANS STRIJDOMLN 30	664 2332	Wyk 22Aa
05/12	GERDA VAN WYK	KRUGERLN 140	664 3331	Wyk 16Ab
05/12	KARIN LEE	THEODORESTR 45	082 393 0361	Wyk 01Ab
05/12	TIAAN OERTEL	FLEURPARK WS 4	664 6188	Wyk 06Aa
05/12	ALNA FERREIRA	SMUTSLN 258	664 2621	Wyk 05Ab
05/13	SINTICHÉ WALKER	VILLA MIA W/S 50	083 601 4521	Wyk 26Aa
05/13	ANRIE ROOS	CANTONMENTSWEWEG 1	664 2943	Wyk 12Aa

**HUWELIKHERDENKINGS 7 TOT 13 MEI 2006**

<b>7 MEI</b>				
MARTIN EN GERDA STRAUSS	HANS STRIJDOMLN 120	664 0468	14Ab	
<b>11 MEI</b>				
TAS EN ROLENE BUITENDAG	LANGEBRINKWEG 32	664 3213	19Ab	

**FISIOTERAPEUTE**

Ronél van der Westhuizen en Lynette Niemand  
(Voorheen van Doringkloof)

**NOU BY:**

Health Mediese Sentrum, Jeanlaan 258b, Lyttelton, Centurion  
(Tussen Gerhard- en Lenchenstraat)

Kontak ons vir algemene fisioterapie-dienste

Telefoon: 012 664 0617

Ronél 082 678 1353

Lynette: 082 769 9170

# BOOMSLOPING EN SNOEI VAN BOME EN STRUIKE

**KONTAK: ERNST**

**083 233 6394**

**PERSKES**

Toeks het nog heerlike Kaapse perskes vanaf Calvinia teen R30.00 per kilogram (ongeskil).  
Skakel haar vir bestellings: 664-4393



## NG GEMEENTE LYTTELTON-OOS

*Dissipels wat vrugte dra tot eer van die Vader*

**SONDAG, 7 MEI 2006**

Hartlik welkom in die erediens vanoggend

**SONDAG, 7 MEI**

Deurkollekte Noodlenigingsfonds

09:00 Nagmaal: Ds Freddie Schoeman  
(Tema: *Die Huisgesin van God*)

10:30 Nagmaal: Ds Freddie Schoeman  
(Tema: *Die Huisgesin van God*)

18:30 Jeugdiens (Geen nagmaal) Kategese  
Ds Freddie Schoeman

19:00 Mosaïek: Inligting oor die Da Vinci  
Code

**DINSDAG, 9 MEI**

09:00 Sustersbiduur/Bybelstudie

**WOENSDAG, 10 MEI**

17:30 Biduur

19:00 Kerkraadsvergadering

**SONDAG 14 MEI**

09:00 Erediens: Ds Freddie Schoeman  
(Tema: *Die Huisgesin van God  
vergewe mekaar*)

09:00 Kleutereredienste

10:30 Erediens: Ds Freddie Schoeman  
(Tema: *Die Huisgesin van God  
vergewe mekaar*)

**12:00 Blokbyeenkoms: Blok 2**

17:30 Jeugdiens (Kategese)

19:00 Mosaïek: Inligting oor die Da Vinci  
Code

**DINSDAG, 16 MEI**

09:00 Sustersbiduur/Bybelstudie

**WOENSDAG, 17 MEI**

17:30 Biduur

20:00 Adoramus

**SONDAG, 21 MEI**

09:00 Erediens

09:00 Kindereredienste

10:30 Erediens

17:30 Jeugdiens (Kategese)

19:00 Mosaïek: *In die stof van die Rabbi*

**DINSDAG, 23 MEI**

09:00 Sustersbiduur/Bybelstudie

**NUWE INTREKKERS**

Is jy 'n nuwe intrekker? Ons wil jou baie graag  
ontmoet. Kom ons kry mekaar voor die kansel  
net na die diens vanoggend verby is.

**VOORBIDDING**

1. Wernich en Erika Pienaar, Van Riebeeckln 277,  
664-4685, met Wernich wat in die hospital in  
die intensiewesorg eenheid opgeneem is.
2. Joz en Toekie Joubert, Van Riebeeckln 45,  
664-2152, met Toekie wat al 'n geruime tyd in  
die intensiewesorg eenheid van Unitashospitaal  
is.
3. Shane en Petro Dalhouzie, 4de Straat 3 LMB,  
082 909 3590 met Petro wat in die hospitaal is.
4. Ernie en Dorothy Müller, DF Malanln 113, 664-  
3764 wat in 'n huisinbraak was. Dit was baie  
traumaties en ons bid hulle sterkte toe.

**AKSIE TWEE +**

Getroudes en gesinne met jong kinders  
28 Mei: Johan Herholdt oor  
*Jou Persoonlikheid en jou Verhoudings*

**ATTESTATE ONTVANG**

Vanaf Universiteitsoord:

Barend Jacobus Vorster

Vanaf Middelburg-Suid:  
Gertruida Johanna Blaauw (nou Vor-  
ster)

Dooplidmate:

Donovan Jason en Jullian Damon Klein-  
schmidt

Hulle woon in Elizabethstr 223, Doorn-  
kloof.

Hartlik welkom by Lyttelton-Oos.

**ONTHOU**

**WOENSDAG, 10 MEI**

19:00 Kerkraadsvergadering

## GOD SE TIEN BELOFTES AAN ONS

Omdat Jesus Christus die die wet vir ons volkome vervul het, word die Tien Gebooie in Hom tien beloftes aan ons.

**Eerste gebod:** Ek belowe jou dat, as Ek die eerste plek in jou lewe inneem, jy geen ander gode sal wil dien nie – Ek sal die eerste en ereplek in jou lewe hê.

**Tweede gebod:** As Ek in jou hart is, belowe Ek dat jy geen gesnede beelde van my sal maak nie. Dit sal nie nodig wees nie, want jy sal self my beeld dra.

**Derde gebod:** As jy My liefhet, sê Jesus, belowe Ek jou dat my Naam nooit 'n vloekwoord oor jou lippe sal kan wees nie, maar steeds en in alle omstandighede deur jou in ere gehou sal word.

**Vierde gebod:** As Ek die ereplek in jou lewe het, belowe Ek jou dat die Sondag die hoogtepunt van die week vir jou sal wees. Dit sal vir jou 'n vreugde wees om kerk toe te gaan – nie 'n dag om teen op te sien nie, maar om na uit te sien.

**Vyfde gebod:** As Ek in jou lewe is, belowe Ek vir jou dat dit vir jou 'n voorreg sal wees om jou ouers te eer en lief te hê. Dit sal vir jou nie moeilik wees nie, want agter hulle sal jy My sien wat hulle vir jou uitgekies en geleen het.

**Sesde gebod:** Ek belowe jou dat jy nooit iemand sal wil seermaak nie, wat nog te sê doodmaak.

**Sewende gebod:** Ek belowe jou dat, as jy My liefhet, dit nie moeilik sal wees om aan jou lewensmaat getrou te wees nie. Gee My 'n plek in julle huwelik en Ek sal julle liefde vir mekaar en julle geluk in my hande bewaar en vashou.

**Agste gebod:** As Ek op die troon van jou hart sit, belowe Ek dat jy nie daarop ingestel sal wees om iets van ander te neem nie. Jy sal daagliks vra: Aan wie en waar kan ek aan 'n ander iets GEE? Maar néém? Nee, nooit ...!

**Negende gebod:** As Ek in jou lewe is, sal dit nie meer vir jou lekker wees om van 'n ander kwaad te praat nie. Ek belowe jou dat Ek deur my Gees jou 'n lojale mens sal maak wat van ander geen woord sal sê as dit nie iets goeds kan wees nie.

**Tiende gebod:** Ek belowe dat Ek deur my Gees jou só sal vul met dankbaarheid dat jy niks meer sal begeer nie. Jy sal vergenoeg wees met wat jy het, met die besef dat God gee soos wat Hy dit nodig vind en as Hy gee, gee hy altyd genoeg sodat niks jou sal ontbreek nie.

Uit: *Gebedeboek met Liturgiese Voorstelle*, Johan van der Merwe (Red.), Lux Verbi. BM, Wellington. 2001.

# Mosaiek

Elke Sondag om 19:00

7 Mei en 14 Mei

Ontdek die waarheid oor

## the da vinci code

Kry genoeg inligting oor die feite en mites wat in hierdie opspraakwekkende boek en rolprent vervat is om self 'n mening te vorm en deel te neem aan die gesprek—veral ook met ongelowiges!



21 Mei tot 11 Junie

Reeks:

## In die stof van die Rabbi

Jesus het geleef soos 'n Jood, gepraat soos 'n Jood, aanbid soos 'n Jood  
Hy het as 'n Jood grootgeword, 'n Joodse opvoeding ontvang en het op dertigjarige ouderdom as 'n Joodse rabbi begin optree.

Wat beteken dit om 'n *talmīd* (dissipel) van die Rabbi van Nasaret te wees?

*'n Dissipel moet bedek wees deur die stof van sy rabbi se voete*

- Joodse gesegde uit die eerste eeu

Vir vier weke gaan ons kyk na wat dit beteken om so naby aan Jesus te loop dat die stof van sy voete ons bedek!

Derde kwartaal

Reeks:

NUWE LIG OP

## OPENBARING

6 Augustus tot 17 September

Ondervind die troos en bevryding wat die boek Openbaring ons bied. Kom ontdek nuwe insigte in hierdie boek en raak ontslae van valse en misleidende interpretasies.

## Fokus ons verhouding met mekaar

'n Oorvloedige lewe is 'n lewe wat oorfloei van *liefde, vrede en vreugde*. Dis 'n lewe wat *baie* vrugte dra (Joh 15:8); 'n ryk, vol lewe wat sin maak en betekenis het. Baie mense kies om 'n saai lewe te leef wat op die ou end geen waarde het nie. Hoekom dan so 'n lewe leef as die Here vir ons soveel méér in gedagte het? Kom ontdek in drie fokus-tye van 40 dae elk wat dit beteken om 'n lewe-in-oorvloed te leef! (Joh 10:10)

Volgende kwartaal gaan ons ons tweede tydperk van 40 dae binne. Waar ons hierdie kwartaal gefokus het op ons verhouding met God, gaan ons tydens die tweede kwartaal fokus op ons verhouding met mekaar.

Die temas tydens hierdie 40 dae is:

- ◆ Sondag 7 Mei: *Die huisgesin van God.*
- ◆ Sondag 14 Mei Die huisgesin van God *vergewe* mekaar [*Genade* is die basis van ons verhouding met mekaar]
- ◆ Sondag 21 Mei: Die huisgesing van God *versorg* mekaar [*Gemeenskap* is die kontekste van ons verhouding met mekaar.]
- ◆ Sondag 28 Mei: Die huisgesin van God *versterk* mekaar [Gebet—en meer spesifiek gesamentlike aanbidding—is die kern van ons verhouding met mekaar.]
- ◆ Sondag 4 Junie: Die huisgesin van God *verryk* mekaar. [Groeï is die potensiaal van

jou verhouding met die Here.]

- ◆ Sondag 11 Junie: *Vervul* jou funksie in die huisgesin van God. [*Gehoor-saamheid* is die doel van ons verhouding met mekaar.]

Onderliggend aan elkeen van hierdie temas is die vyf waardes van ons gemeente, nl. genade, gemeenskap, gebed, groei, gehoorsaamheid. Hierdie waardes is gekoppel aan die vyf ver-naamste take van 'n gemeente volgens Ef 4:11, nl. sending (apostoliese taak); aanbidding (profetiese taak); gemeenskapsbediening (evangeliese taak); onderlinge versorging (herderlike taak); toerusting (leer-taak). **Sien tabel.**

Temas	Waarde	Ef 4:11	Taak	Uitkoms
Verheug (Basis)	Genade	Evangeliste	Gemeenskapsbediening	Lewensvrede
Vertrou (Konteks)	Gemeenskap	Herders	Onderlinge versorging	Lewenstuiste
Verdiep (Kern)	Gebed	Profete	Aanbidding	Lewenskrag
Vernuwe (Potensiaal)	Groeï	Leraars	Toerusting	Lewensvernuwing
Verbind (Doel)	Gehoorsaamheid	Apostels	Sending	Lewensvervulling

## DIE KEER TOE GOD

### 'N SKRYNWERKER GEWORD HET

(30) SY OPSTANDING EN VERSKYNINGE

Ds Odie Odendaal

Lees: Mk 16 en 1 Kor 15

Sondagmôre vroeg het Hy opgestaan uit die graf en daarmee die bande van die dood verbreek. Dit was asof sy dood Hom losgelaat het in die wêreld. Geen Raad of regering sou Hom weer kon vang en beperk nie. Die dood het Hom vrygemaak van wêreldse beperkinge en in die opstanding is al daardie bande afgeskud. Hy het oorwin oor alle magte. Jesus se opstanding het beteken dat Hy enige mens enige oomblik kon ontmoet. So het Hy heel eerste aan Maria Magdalena verskyn daardie Sondagoggend by die graf. Daardie aand het Hy aan die dissipels verskyn waar hulle agter geslote deure saam was en vir hulle gesê: "*Vrede vir julle.*" En verder: "*Soos die Vader my gestuur het, stuur Ek julle ook.*" 'n Week later het Hy weer aan hulle verskyn terwille van die ongelowige Tomas. So het Hy ook tydens 'n visvangs aan hulle verskyn. 'n Baie merkwaardige verskyning was sy verskyning aan die twee Emmausgangers. Hy het by hulle aangesluit en moes hulle tereg wys. "*Wat 'n gebrek aan begrip en wat 'n traagheid van gees!*" Dit, omdat hulle so morbied was oor sy dood. En toe, in Emmaus by die aandete, neem Hy die brood, vra die seën, breek dit en gee dit vir hulle. Toe gaan hulle oë oop en herken hulle Hom. Tot vandag laat gebrek aan begrip, traagheid van gees, en ongelof die opstanding sy glans verloor en die opgestane Heiland sy impak. Die Heilige Gees wat Christus se werk in ons harte toepas, is nodig om ons oë te open.

Dit mag nog steeds swaar wees om te sterf maar die dood beteken nie meer dat die lewe op niks uitloop nie. Voortaan sou die dood net 'n mylpaal wees wat 'n mens bereik en verbysteek; nie meer 'n eindpunt nie. Soos dit met Jesus gegaan het in die graf, sal dit met elke mens gaan. Hy sal opstaan. Opstaan uit die mag van die sonde en opstaan uit die mag van die dood en ingaan in die Koninkryk van die Here.

VRAAG:

Wat beteken die opstanding vir ons?

GEBED:

Hemelse Vader, Jesus het opgestaan vir ons nuwe lewe. Ek eien dit my toe in geloof. Baie dankie dat sy opstanding die waarborg is dat ons ook op sal staan uit die dood. AMEN.

